



種夫第書叢導指藥醫家民

胎產科病問答

上海華東書局印行





3 0472 8528 7

種六十第書叢導指藥醫衆民

要提答問病科產胎

胎產一科，自西醫列作專科後，社會人士，漸知醫院接生，實較向昔之穩婆，手術穩妥十倍，而國醫胎產學，亦遂不遭人重視，然以手術論：則固爲西醫所特長；而藥物治療：國醫實有獨具之效力，迥非西醫西藥所能幾及；且習慣，調護，以及胎前產後之變生諸病，尤非中醫中藥不能洞悉其深微，應付其不測也。况乎胎產爲婦人所必不能免，則其應具之醫藥常識，尤人人所當知；然則是編，不特爲產婦福音，殆只居家所必備歟！

民衆醫藥指導
叢書第十六種
胎產科病問答目錄

●第一 胎產科病總辨

問何謂胎產科病？..... (一)

●第二 胎前病症總辨

問何謂胎前病？..... (二)

【一】 婦人胎孕總辨

問婦人有胎孕其區別若何？..... (三)

【二】 驗胎方藥辨

問婦人經停欲知其是否爲孕宜用何方藥？..... (四)

【三】 護胎總辨

問婦人有胎有在三月五月卽墮落者當用何法護之？..... (五)

胎產科病問答目錄

問婦人因病墮胎宜服何藥？.....(六)

(1) 保產無憂方

(4) 治胎漏下血不止方

(2) 治妊婦腰痛慣小產方

(5) 治胎動或腰腹痛方

(3) 治誤服藥胎欲墮方

【四】 胎前禁忌總辨

問婦人有孕其禁忌方法若何？.....(七)

【五】 胎前食忌辨

問胎前飲食禁忌若何？.....(八)

【六】 胎前藥忌辨

問胎前所服藥物其禁忌若何？.....(九)

【七】 胎前三禁辨

問何謂胎前三禁？.....(一〇)

【八】胎前各病症治辨

問胎前所生各種病症其辨治若何？…………… (一三)

(1) 胎前惡阻症治辨

問何謂惡阻病其症治若何？…………… (一四)

(2) 胎前吞酸症治辨

問胎前有病吞酸者其辨治若何？…………… (一五)

(3) 胎前子煩症治辨

問何謂子煩病其症治若何？…………… (一六)

(4) 胎前子懸症辨

問何謂子懸其症治若何？…………… (一七)

(5) 胎水子腫子滿子氣症辨

問何謂子腫子滿子氣其辨治若何？…………… (一八)

胎產科病問答目錄

(1) 治琉璃胎方

(3) 治子氣方

(2) 治子滿方

(6) 子痲症治辨

問何謂子痲其辨治若何？..... (一七)

(7) 子瘡症治辨

問何謂子瘡其辨治若何？..... (一八)

(8) 子嗽及喘息症治辨

問妊娠咳嗽及喘息其辨治若何？..... (一九)

(1) 治孕婦外感咳嗽方

(2) 治孕婦氣喘方

(9) 子淋小便不通症治辨

問何謂子淋其辨治若何？..... (二〇)

(1) 治孕婦飲食如常小便淋瀝不暢方

(9) 治熱塞膀胱小便不通方

(10) 孕婦心胸腰腹痛症辨

問孕婦心胸腰腹等部作痛者其辨治若何？.....(111)

(1) 治心痛邪氣滯結方

(3) 治肝腎虛腰痛方

(2) 治胎動腹痛方

(4) 治氣血滯腰痛方

(11) 妊娠傷寒泄瀉瘧痢症治辨

問孕婦如患傷寒泄瀉瘧痢等雜病者症治如何？.....(112)

(12) 妊娠吐血症治辨

問妊娠有吐血病其辨治若何？.....(113)

(1) 治肝火妄動吐血多怒方

(3) 治腎虛火吐血方

(2) 治胃中實火吐血方

(4) 治孕婦吐血方

(13) 孕婦漏血症治辨

胎產科病問答目錄

問孕婦有胎漏下血者症治若何？……………(二四)

(1) 治妊娠下血腹痛方

(4) 治孕婦經行如常方

(2) 治風傷營分血下似胎漏方

(5) 治孕婦溺血方

(3) 治孕婦胎漏方

(14) 孕婦子鳴症辨

問孕婦七八月子忽在腹中作啼聲者屬何症治？……………(二五)

(15) 孕婦乳泣症辨

問妊娠無故乳忽滴出者症治如何？……………(二六)

(16) 孕婦子嗽症辨

問何謂子嗽其辨治若何？……………(二七)

(17) 孕婦乳腫症辨

問孕婦兩乳或一乳忽腫痛有寒熱者症治若何？……………(二八)

(18) 孕婦腹痒症治辨

問孕婦有腹中作痒者症治若何？……………(二九)

(19) 孕婦小便頻數症治辨

問孕婦小便頻來者屬何症治？……………(三〇)

(20) 孕婦泄久症治辨

問孕婦泄瀉久不止者症治若何？……………(三一)

(21) 孕婦痢久症治辨

問孕婦痢久不止症治若何？……………(三二)

(1) 治痢疾虛坐努力方

(2) 治久痢不止方

(22) 孕婦口渴症辨

問孕婦有但口渴者屬何症治？……………(三三)

(23) 孕婦忽然暈眩倒地症辨

胎產科病問答目錄

胎產科病問答目錄

八

- 問孕婦忽然暈眩倒地者屬何症治？……………(三四)
- (24) 孕婦霍亂症治辨
- 問孕婦心腹絞痛上吐下泄者屬何症治？……………(三五)
- (25) 孕婦中暑症治辨
- 問孕婦中暑症辨治若何？……………(三六)
- (26) 孕婦中濕症辨
- 問孕婦有中濕症宜如何辨治？……………(三七)
- (27) 孕婦中風症辨
- 問孕婦有中風症辨治若何？……………(三八)
- (28) 孕婦癱瘓症辨
- 問孕婦癱瘓症治法如何？……………(三九)
- (29) 孕婦偏身搔痒症治辨

問孕婦有遍身搔痒者症治若何？……………(四〇)

●第三 臨產病症總辨

問婦人臨產時其調護禁忌及各物症辨治若何？……………(四一)

【一】 臨產常識辨

問孕婦臨產時其調護辨治之常識若何請首先詳述之？……………(四二)

【二】 產婦脈症吉凶順逆辨

問臨產之婦其脈症如何而後可辨其吉凶順逆？……………(四三)

【三】 弄胎試胎與真產症辨

問孕婦將產有弄胎試胎症宜如何辨之？……………(四四)

【四】 臨產禁忌辨

問臨產時一切禁忌若何？……………(四五)

【五】 臨產症治分辨

胎產科病問答目錄

10

(1) 胞破水乾難產症治辨

問臨產時先胞漿破而難產者症治如何？.....(四六)

(2) 橫生逆產症治辨

問何謂橫生逆產其辨治若何？.....(四七)

(3) 交骨不開症治辨

問產婦交骨不開者其症治若何？.....(四八)

(4) 子死腹中症治辨

問產婦有因難產子死腹中者辨治若何？.....(四九)

(5) 子死產門症治辨

問產婦臨盆有子死產門不下者症治若何？.....(五〇)

(6) 盤腸產症治辨

問何謂盤腸產其辨治若何？.....(五一)

(7) 產後肉繚等物下垂症治辨

問產後陰中垂出肉線一條或如帕或有角或兩岐動觸則疼痛欲絕者症治如何？(五二)

(8) 臨產舌出症辨

問產婦有臨產舌出不收者症治若何？(五三)

(9) 胞衣不下症辨

問產婦兒已生有胎衣不下者症治若何？(五四)

(10) 臨產血暈症治辨

問婦人臨產暈厥症治若何？(五五)

(1) 治療血暈厥方

(3) 治血虛暈脫方

(2) 治敗血攻心血暈發狂方

(11) 惡露不下症辨

問產後惡露不下者症治若何？(五六)

胎產科問答目錄

一三

(1) 治惡露不行少腹疼痛方

(12) 惡露不絕症辨

問婦人分娩後惡露淋漓不斷者症治若何？……………(五七)

(1) 治惡露淋漓不絕方

(13) 血崩不止症辨

問產後血崩不止者症治若何？……………(五八)

(1) 治新產血崩方

(14) 玉門不閉症治辨

(2) 治血虛崩漏方

問產後產門不收閉者症治若何？……………(五九)

(1) 治氣血虛產門不閉方

(3) 治陰戶痛痒不常方

(2) 治陰戶痛不可忍方

(15) 子宮不收症治辨

問產婦子宮墜出不收者症治如何？..... (六〇)

(16) 產婦腸中痒症治辨

問產婦腸中作痒不可耐者症治若何？..... (六一)

(17) 產婦敗血流經症治辨

問產婦敗血流經症治若何？..... (六二)

● 第四 產後病症總辨

問產後病症辨治及調護若何？..... (六三)

【一】 產後藥禁辨

問產後服藥亦有禁忌否？..... (六四)

【二】 產後調護辨

問產後宜如何調護？..... (六五)

【三】 產後各症總辨

胎產科病問答目錄

胎產科問答目錄

(1) 產後乳汁不通症治辨

問產後乳汁不通者症治若何? (六六)

(2) 產後乍見鬼神症治辨

問產後有乍見鬼神者症治若何? (六七)

(3) 產後身熱症治辨

問婦人產後身熱者症治若何? (六八)

(4) 產後寒熱似瘧症治辨

問產後乍寒乍熱有似瘧疾狀症治如何? (六九)

(1) 治血滯寒熱方

(2) 治陰陽不和寒熱似瘧方

(5) 產後腦痛症治辨

問產後有脊肋作痛者症治若何? (七〇)

(6) 產後頭痛症辨

- 問產後有頭但作痛症治若何？……………(七一)
- (7) 產後腰痛症治辨……………(七二)
- 問產後有腰痛症其辨治若何？……………(七二)
- (8) 產後遍身疼痛症辨……………(七三)
- 問產後有遍身疼痛者症治若何？……………(七三)
- (9) 產後傷風寒症治辨……………(七四)
- 問產後有傷風寒症辨治如何？……………(七四)
- (10) 產後汗出不止症治辨……………(七五)
- 問產後有汗出不止者症治如何？……………(七五)
- (11) 產後中風及瘧症辨……………(七六)
- 問產後有中風及瘧症辨治若何？……………(七六)
- (12) 產後咳嗽症治辨……………(七六)

胎產科病問答目錄

問產後有咳嗽不止者症治如何？……………(七七)

(13) 產後鼻血不止症治辨

問產後有血衄不止者症治如何？……………(七八)

(14) 產後大小便不通症治辨

問產後有大小便閉者症治如何？……………(七九)

(15) 產後呃逆症治辨

問產後呃逆頻作者症治若何？……………(八〇)

(16) 產後四肢身面浮腫症治辨

問產後四肢身面浮腫者症治若何？……………(八一)

(17) 產後泄瀉症治辨

問產後有泄瀉者症治若何？……………(八二)

(18) 產後痢疾症治辨

- 問產後有痢下赤白者症治若何？……………（八三）
- （19） 產後尿血症治辨
- 問產後小便尿血者症治若何？……………（八四）
- （20） 產後乳汁不止症治辨
- 問產後乳湧如泉神昏痰塞者症治若何？……………（八五）
- （21） 產後小便多及遺尿症治辨
- 問產後小便太多及睡中遺尿者症治如何？……………（八六）
- （22） 產後血崩不止症治辨
- 問產後血崩不止症治如何？……………（八七）

胎產科病問答目錄

民衆醫業指導
叢書第十六種

胎產科病問答

上海中國醫學院教授蔡陸仙編



●第一 胎產科病總辨

何謂胎產科病？ (一)

胎產科病，約分三類：曰胎前病，曰臨產病，曰產後病，總名之曰胎產病。症狀不一，宜區別治之。

●第二 胎前病症總辨

何謂胎前病？ (二)

胎前病者，婦人因有孕而患生各種病症之統稱也。胎前各病之調治，約分四類：(1)辨胎，(2)護胎，(3)禁忌，(4)辨症，四者分辨既明，而後

胎產科病問答

可治胎前各病。

【二】 婦人胎孕總辨

問 婦人有胎孕，其區辨若何？

（三）

答 欲知婦人之是否有孕，當問其平時之經事準確否？如平時月經準確，而忽然無故經事斷絕不行者，孕也；否則即爲停經。又婦人臨經時，多食酸冷，或受風寒，亦多令經事閉澁不行，不可便爲有孕；大抵經閉至兩三月以上，而無腹痛寒熱帶下等症狀者，即係有孕之徵。又婦人無故經停至二三月，常患嘔吐噁心，而無他病，此名惡阻，爲有孕也。再診其脈象，左手寸脈動甚者孕也；兩尺脈重按之，而流利滑疾者，亦孕也；又兩手之脈，浮中沉三部相等，重按不絕，或身有病而脈象不病，皆爲有孕之症據。又脈數疾而按之散者，胎已三月也；按之不散而滑者，胎已五月也；大約妊

娠至四月以上，即可分辨爲男女。左脈疾者爲男，右脈疾者爲女；兩手脈俱疾者，多爲雙胎。如脈左手沉實爲男，右手浮大爲女，兩手俱沉實者二男，兩手俱浮大者二女。又尺脈左偏大爲男，右偏大爲女，左右俱大者，亦雙胎也。又辨孕欲知其男胎女胎，俟孕婦面南行時，突令人於後呼之，看其左迴首屬男，右迴首屬女。又法：婦人有孕，其夫左乳有核，必是男胎；右乳有核，必是女胎。又法：婦人有孕，當驗其腹形，圓如釜者男胎也，上坦下漸垂大，形如箕者女胎也。又男女胎孕，在母腹時，其動亦有遲速，大概男胎多動在三月，女胎多動在五月；又男胎動時，多在一處，女胎動時，多滿腹亂動，以上辨法多驗。

（二）驗胎方藥辨

問：婦人經停，欲知其是否爲孕，宜用何方藥？

（四）

婦人經水一二月不行，疑是有孕，或爲停經，症又見心煩寒熱，恍惚不寧，或過月，或未足月者，下錄各方，均可驗之。

【驗胎方】真雀腦川芎一兩，當歸一隻七錢，爲細末，分作二服，濃煎好艾湯調下，待三兩個時辰，覺臍腹動，微痛頻仍，卽是有胎，動罷卽愈，安穩無虞；若不是胎，卽不動，所停滯之惡血自下；如不效，再煎紅花湯調下，必效。

【又方】好醋煮艾，服半盞後，腹中反大痛，卽是有孕。不痛定無孕，過月難明有無者，以此驗之。

【又方】皂角去皮炙甘草各三錢，黃連五分爲末，作一服，溫酒調下，治婦人胎氣在疑似之間，服之有胎卽吐，無胎不吐。

【三】護胎總辨

圍婦人有胎，有在三月五月，卽墮落者，當用何法護之？

○婦人墮胎，其原因不一，護胎之法，大要在：禁房事，戒悲怒，及操勞過度，負重登高，跌仆閃損，並忌食辛熱之物，如係因病而墮胎者，再用藥餌治之。

○婦人因病墮胎，宜服何藥？ (六)

○保胎方藥甚多，亦各有適宜，今錄其妥穩有效者如下：

一 【保產無憂方】 此方專治一切產症，胎前能安胎，臨產能健生，不拘月分，凡胎動不安，腰腹痠痛，（按孕婦腰腹痠痛，即恐其墮胎。）一服即安，再服全愈。臨產艱難危險者，一服即生，橫生逆產，六七日不下，及兒死在腹中，命在須臾者，亦一服即下，服此方勝用手術，而免用手術之危險。凡孕婦七個月，即宜預服，七個月服一劑，八個月服二劑，九個月十個月服三劑，臨產再服一劑，斷無難產之患，百發百中，功效如神。

紫厚朴、姜汁炒、蘄艾醋炒各七分、當歸酒炒、川芎各一錢五分、生黃耆、荊芥穗各八分、川貝母去心再爲末不入煎、以藥沖服。菟絲子揀淨酒泡各一錢、川羌活

生甘草各五分、枳殼炒六分、白芍酒炒二錢、冬月只用一錢、藥須照方揀擇泡製，不可加減分毫，用老生姜三片、水二大鍾，煎至八分服。預服者，空心溫服，臨產及胎動不安，並勞閃欲小產者，皆臨時熱服，人虛極者，加別直參三五分更妙，惟已產後，則此藥一滴不可入口，切勿誤服。

【又方】此方名安胎飲，專治婦人慣於墮胎，屢試神驗。平時無小產之患者，服此亦妙，屢試如神。建蓮肉去心不去皮家用青葙麻洗淨膠糯米各三錢，水煎，去麻，連湯服一次，或但服湯，不服蓮肉糯米亦可。

二【治妊婦腰背痛慣小產方】服此可免墮胎之患。厚杜仲四兩切片，用糯米炒去絲，川續斷酒拌炒二兩，共爲末，以山藥六兩，煑糊爲丸，如桐

子大，每服八九十丸，用米湯空心送下，戒惱怒，忌食酒醋猪肝發火等物。

三 【治誤服藥胎欲墮方】 生白扁豆去皮爲末，米湯調服三五錢卽安，或煎濃汁服亦可。此症胎氣已動，未墮時口噤，自汗，手強頭低，似乎中風，人多不識，若作風治必死，慎之。

四 【治胎漏下血不止方】 生地黃五六兩，淡酒煎濃服，無故下血，用陳阿膠一兩炒爲末，酒煎化勻兩次服。如血熱者，加生地黃二兩，煎汁和勻服。

五 【治胎動或腰腹痛方】 當歸身一錢五分，川芎七分，白芍一錢，炒熟地一錢，白朮一錢五分，條芩一錢五分，炒砂仁一錢，炒陳皮一錢，蘇梗五分，灸甘草四分，水煎服，如下血，加蒲黃。阿膠各一錢五分，腹痛加製香附，枳殼各八分，如惡阻加竹茹一錢五分，去地黃。

【四】 胎前禁忌總辨

胎產科病問答

○婦人有孕，其禁忌方法若何？ (七)

○妊娠所禁忌者：勿亂服藥，勿過飲酒，勿妄針灸，勿舉重登高涉險，勿恣慾行房，若心有大驚，犯之則難產，生子癩癩。勿多睡臥，勿勞役過度，使腎氣不足，生子解顛；(頭骨不合也。)衣勿太溫，食勿太飽，若脾胃不和，榮衛虛怯，則生子羸瘦，且多疾病。自家及隣家，如或修造動土，孕婦切宜避之，如犯其土氣，令子破形損命。刀犯者，形必傷；泥犯者，竅必塞；打擊犯者，色青黯；繫縛犯者，相拘攣；如遇此等犯之效如影嚮，切宜避之。

【五】 胎前食忌辨

○胎前飲食禁忌若何？ (八)

○小兒在胎，臟腑骨節筋肉，俱未成足，宜戒不可食之物，設或不能戒忌，非特延月難產，亦能損母，令兒破形。今錄食忌各物如下：

食羊肉令子多病，羊肝亦然。食驢馬肉，令子延月難產。食兔肉，令子缺唇。食犬肉，令子無聲音。食鷄子，鴨子，與桑椹共食，令子倒生，心有寒疾。食鷄肉同糯米共食，令子腸中生寸白蟲。食鷄子及乾鯉魚，令子多瘡成疔。食雀肉並豆醬，令子滿面多黦黑子。食雀肉飲酒，令子淫亂不畏羞恥。食鰾，令子短頸縮頭且損胎。豆醬與藿香共食，必墮胎。食生姜，令子多指生瘡。食螃蟹，令子橫生。食蝦蟆蟬魚，令兒瘡啞。食冰醬，絕胎。食茨菇，消胎氣。食鮮魚同田雞食，令子瘡啞。食鰾鱗等無鱗魚，必難產。食蝦亦然。食諸菌，生子驚風而夭。食椒蒜辣芥等物，主傷胎。食楊梅李果，生子生疥瘡。食雀腦，令子雀目。食燒酒，令子驚癇。食羊睛，生子目必白。

【六】胎前藥忌辨

胎產科病問答

問胎前所服藥物，其禁忌若何？

(九)

藥書載有歌訣云：『蛇花斑猫水蛭及蟲蟲，烏頭附子配天雄，野葛水銀并巴豆，牛膝薏苡與蜈蚣，三稜代赭石，芫花麝香，大戟蛇蛻黃雌雄，雌黃雄黃，牙硝芒硝牡丹皮，桂槐花牽牛皂角同，半夏南星與通草，瞿麥干姜桃仁通，礞砂乾漆蟹爪甲，地胆茅根胡粉同。』以上各藥，誤服傷胎。

【七】 胎前三禁辨

問何謂胎前三禁？ (一〇)

答胎前三禁者，謂用藥不可汗，不可下，不可利小便也。誤汗則傷陰，誤下則傷脾，亡陽，誤利小便則內亡津液，而胃中枯燥，用藥能不犯此三禁，則榮衛和，而寒熱自止矣。

【八】 胎前各病症治辨

問胎前所生各種病症，其辨治若何？

(一一)

答胎前病症甚多，其與胎病無關者，宜照內科雜病篇辨治。茲將與胎有連帶關係之病症，逐條辨治列後：

(一) 胎前惡阻症治辨

問何謂惡阻病？其症治若何？

(一二)

答惡阻者，謂妊娠兩月時，吐嘔，惡心，頭眩，惡食，四肢沉重，擇食惟嗜酸鹹，病名惡阻。甚者，胸膈煩滿，或有寒熱，但脈息極其和順，此乃胃氣怯弱，中脘停痰所致。治宜調脾胃，順氣和中，如治逆，劇增吐下，則傷胎矣。

方用：乾姜 人參各五錢，製半夏一兩，姜汁糊丸，每服砂仁煎湯送下，五分至八分。

【又方】橘皮一錢，竹茹一錢，茯苓一錢，五分製半夏一錢，六分生薑二片，水煎服。

忌雞羊魚麵等物。

【又方】治惡阻煩熱口渴；生蘆根五錢橘皮一錢大腹皮八分枇杷葉去毛包一片生姜二片水煎服。

【又方】治惡食嘔吐；黨參 砂仁炒研甘草各一錢白朮炒香附童便炒烏梅 陳皮各一錢五分生姜一片 水煎食遠服。

【又方】食鹽三分煨姜六分竹茹三分老米一撮炒 砂糖三錢煎水徐徐服之；如有虻蟲吐出，加花椒二分烏梅三個煎服立效。

(2) 胎前吞酸症治辨

問胎前有病吞酸者，其辨治若何？

(一三)

答吞酸有二症：一口中但吞吐酸水，時有嘔心，此肝火令胃不和也；一口中吞酸，胸脘悶塞嘈雜，惡食，噯出有腐臭氣者，傷食也，宜分別治之。

【治肝火盛吞酸方】 左金丸五分 開水吞服，此丸即黃連吳萸二味合成，藥店中有出售。

【治傷食吞酸方】 白朮土炒 製半夏 陳皮 茯苓 炙甘草 枳實 妙神曲妙砂仁 炒各五分 生姜一片 水煎食後服。

(3) 胎前子煩症治辨

何謂子煩病，其症治若何？ (二四)

婦人有胎，心中但苦煩悶者，病名子煩。子煩有四症：有心中煩，有胸中煩，有虛煩，有子煩，名雖異，而病皆熱也。肺虛火乘之則心煩，停痰積飲，嘔吐痰涎，惡聞食氣，則胸中煩，但熱而煩，似無病者為虛煩，氣鬱煩躁吐沫，胎動不安為子煩，方治列下：

【治子煩方】 防風 黃芩 麥冬 茯苓 焦梔 當歸各一錢 竹葉十

片水煎服。

【又方】治誤服藥而虛煩不安：竹瀝一兩，沖茯苓二錢，麥冬、防風、黃芩

各一錢五分，水煎服。

【又方】治孕婦煩燥口渴，如初孕時，此胎欲凝，勿須治之。二三月後渴者，用人參一錢，黃芪一錢，知母一錢，麥冬一錢，葛根一錢，茯苓二錢，秦艽一錢，甘草八分，竹葉十片，水煎服。

(4) 胎前子懸症辨

問：何謂子懸？其症治若何？

(一五)

子懸者，胎氣不和，上湊心腹，脹滿疼痛也。由素有寒氣，停飲觸寒，即發，與氣相爭，故心腹煩滿也。治方列下：

【治胎熱氣脹心腹滿痛方】紫蘇一錢五分，當歸一錢五分，川芎一錢，白芍

一錢五分陳皮一錢人參一錢大腹皮一錢甘草五分砂仁八分生薑一片葱白五枚不用參用製香附亦可。熱甚加黃芩一錢山梔一錢五分炒

【又方】枳殼一兩黃芩 土炒白朮各五錢每服五錢水煎。

【又方】連鬚葱白十四根 濃煎服。治胎氣上逼痛脹甚，安生胎，落死胎。

(5) 胎水子腫子滿子氣辨

何謂子腫，子滿，子氣，其辨治若何？ (一六)

【醫】妊娠五六月，腹大異常，胸腹脹滿，手足面目浮腫，喘息，是名胎水；此由胎中蓄水，俗呼琉璃胎，不治令子手足軟短成痼疾。又有子腫症，由脾虛不能制水，受胎後經血壅閉，則水濕泛濫，外攻形體，內注胞胎，致胎在內脹滿，妊婦面目浮腫，兒未成實者，必傷胎氣。若臨月而腫，利小便自愈。

一 【治琉璃胎方】 白朮炒生薑各一兩茯苓八錢當歸 白芍各六錢鯉

魚一尾約重二斤，先煮魚熟，取汁澄清，再煎藥，分五次服。

【又方】土炒白朮 茯苓 澤瀉 陳皮 生姜皮 大腹皮 廣木香
各等分爲末，每服五錢 砂仁煎湯送下。

【又方】葵子一兩 茯苓六錢爲末，飲服方寸匕。

【按】胎水纏名也，其面目浮腫者，名子腫，胸腹脹滿者，爲子滿，但脚腫者，名子氣。症雖有輕重，其實一源而已。

【又方】治子腫子滿，赤茯苓二錢 防己 蘇葉 桑皮各一錢 廣木香五分 水煎，間數日一服。

二 二【治子滿方】桑白皮一錢五分 防己一錢五分 茯苓三錢 紫蘇三錢 廣木香一錢五分 砂仁八分 姜皮六分 水煎服。

【又方】土炒白朮一兩 陳皮 姜皮 大腹皮各五錢 爲末，米飲調服二錢。

【又方】孕婦至七八個月，胎已長大，腹大脹滿，逼迫子戶，致坐臥不安，用白朮炒黃芩、蘇葉、枳殼、大腹皮各一錢五分，砂仁連壳研五分，炙草三分，生姜一片，水煎空心服。

三 【治子氣方】 妊娠兩足面漸腫，行走艱難，以致喘悶，飲食無味，脚指間或有黃水出，直至分娩，其腫方消，宜用天仙藤三錢，製香附一錢五分，陳皮一錢五分，甘草八分，紫蘇三錢，宣木瓜三錢，姜皮八分，水煎服。

【又方】白朮炒一兩，茯苓、陳皮、姜皮、大腹皮各五錢，爲末，米飲下，每次二錢。

(6) 子癇症治辨

圖何謂子癇？其辨治若何？ (一七)

圖妊娠忽然口噤，脊強，手足如瘳狀，昏不知人，須臾則醒，醒後復發者，病

名子癩，此由風中太陽經脈，復遇寒濕相搏而成，久則變瘰。

【治子癩如瘰方】 羚羊角磨汁沖五分五加皮一錢五分防風一錢五分當歸一錢五分酸棗仁三錢茯苓神一錢五分獨活一錢五分甘草一錢川芎一錢廣木香一錢生薑一片水煎服。

【又方】 葛根三錢茯苓三錢人參一錢澤瀉一錢五分甘草一錢防己一錢五分防風一錢當歸一錢五分川芎一錢獨活一錢水煎，臨服加竹瀝半盃，姜汁二匙沖。

【又方】 治子癩中風，卒倒，身強如瘰，發過即愈。用 黨參 茯苓 白朮 炒炙草 麥冬 歸身各一錢，生薑二片 大棗二枚 水煎，食遠服。

【又方】 安神定志，去風化痰。 天南星一兩 掘地作炕，深二尺，用炭火二十斤，於炕內燒紅，去炭，以好酒澆之，將南星趁熱於炕內用瓦盆急蓋定。

以黃泥封固一宿取出，焙乾爲末，入琥的末一兩，硃砂末五錢，和勻，以生姜自然汁，煮如麵糊熟，再用獾豬心血三個（鬪割者爲獾豬）攪勻末爲丸，如梧子大，硃砂爲衣，每服五十丸，黨參煎湯下，日服三次神效。

(7) 子瘡症治辨

問何謂子瘡？其辨治若何？

(二八)

答：妊婦至九月，而忽然言語失音者，名曰子瘡；此乃兒體長大，偶然腎脈被阻，不須用治，待分娩後自愈。

(8) 子嗽及喘息症治辨

問：妊娠咳嗽及喘息，其辨治若何？

(二九)

答：咳嗽有因四時感冒風寒而成者，有寒熱等症，須照外感法治之；如不因外感，但咳嗽者，此肺虛不能生水，陰火上炎，病名子嗽，宜補肺腎安胎。

治之。又有孕婦，氣忽喘息，此非痰火上沖，卽水氣逆肺。如面黑或如茄色，唇舌青黑者，此胎死腹中，瘀血沖肺，症極危殆，宜分別治之。

一【治孕婦外感咳嗽方】紫蘇一錢五分，陳皮一錢，桔梗八分，前胡一錢，枳殼八分，茯苓一錢五分，甘草八分，葛根一錢五分，水煎服。

【又方】治火逆咳嗽：天冬一錢，紫苑一錢，知母一錢，桑皮一錢，北五味子五分，桔梗八分，阿膠一錢五分，水煎。

【又方】川百合三錢，紫苑一錢五分，麥冬三錢，桔梗一錢，桑皮一錢五分，甘草一錢，竹茹一錢五分，水加煎，蜜兩匙服。如係水逆咳嗽，可照子腫門方治之。

二【治孕婦氣喘方】此方火逆水升均治；馬兜鈴一錢五分，蘇子三錢，枳殼一錢，桔梗八分，甘草六分，桑白皮一錢五分，陳皮一錢，砂仁八分，水煎服。

(9) 子淋小便不通症治辨

何謂子淋其辨治若何 (二〇)

子淋者，孕婦小便淋漓不暢也。甚則必心胸煩亂，此症有二：一則妊婦自病，一則子病及母也。孕婦自病有二症：一為多食辛辣鹹物，因生內熱，一則自汗自利，津液內虧也。子為母病，則無非胎氣壅熱，胎脹壓迫膀胱所致耳。

一 【治孕婦飲食如常小便淋漓不暢方】 貝母 苦參 當歸 等分為末，煉蜜丸，黃豆大，每服三丸，多至十丸即愈。

二 【治熱壅膀胱小便不通方】 茯苓 麥冬 木通 甘草 大腹皮各一錢，淡竹葉十片煎服。

【又方】治胎壓膀胱，不得小便，心煩不臥，用 厚朴一錢，姜汁炒，蘄朮醋炒各

七分當歸酒洗川芎各一錢五分生黃芪 荆芥穗各八分川貝母去心再爲末不入煎，以藥沖服，菟絲子揀淨酒泡各一錢川羌活 生甘草各五分枳殼麩炒

六分白芍酒炒一錢五分生姜二片 水煎去渣服，一劑胎卽上升，自然小便。

【又方】治孕婦小便不通，猪尿脬吹脹，以翎管安上，插入陰戶小便孔內，捻脬氣吹入卽通，極效。

【又方】治氣血虛，胎墜壓任膀胱，溺不得出，宜令穩婆以香油塗手，入產門內托起其胎，卽溺出如注，再用 黃耆一錢五分白朮土炒一錢五分 別直參一錢陳皮一錢升麻八分柴胡一錢灸甘草一錢當歸一錢五分 水煎服，升補其氣卽愈。或令一人對患者皆仰臥，以足抵其足，徐徐搖動其腿腹，而胎亦自上。

(10) 孕婦心胸腰腹痛症辨

圖孕婦心胸腰腹等部作痛者，其辨治若何？ (一一)

圖心痛，痛當心之部位，多屬邪氣痰飲交結，如傷心之支絡，則乍安乍劇，如傷連子藏，則胎動而下血，如手足厥冷，爪甲青，連頭痛，名真心痛，旦發夕死，不治。胸腹痛者，胸腹上下攻冲作痛也。或因宿食，及食冷物，或新觸風寒，皆能致病，邪并於氣，隨氣上下，故或胸或腹作痛。腰痛，脈大而痛不已者，腎虛也；脈濇而日輕夜重者，氣血凝滯也；脈浮者，風邪所乘；脈實者，閃挫也，宜分別治之。

一 【治心痛邪氣滯結方】 川棟子 茴香各三錢 艾葉一錢五分 鹽水炒水煎服。

【又方】延胡索 五靈脂 草菓 乳香製沒藥製 爲末，每服一錢 治寒滯心痛。治孕婦腹中疝痛：當歸三錢 白芍一兩五錢 茯苓四錢 白朮炒四錢

澤瀉八錢 川芎三錢 爲末，服一錢。

【又方】製香附 砂仁各等分 爲末，酒調二錢 覺腹中熱，胎卽安。

二 【治胎動腹痛方】 或下黃汁，如漆如豆汁，用野苧根 金銀花根 各五錢 水酒相半煎服。

【又方】鹿角膠 炒成珠爲末，米飲調下二錢。

【又方】乾荷葉一張，炙研末，糯米 泔水一杯調服。

三 【治肝腎虛腰痛方】 補骨脂炒爲末，先嚼胡桃肉一枚，後以酒調 三錢 沖服。

四 【治氣血滯腰痛方】 鹿角長六寸，燒赤，泔酒中，又燒又泔，以角碎 爲度，取所泔酒飲之。

【又方】治孕婦腰痛 黑豆二合，炒焦 白酒一大碗，煎藥空心服。

【又方】杜仲四兩切片用白糯米炒斷絲川續斷二兩酒拌炒爲主 山藥糊丸梧子大，每服八九十丸，米湯空心下，戒惱怒及食酒醋猪肝等發火之物。

(11) 妊娠傷寒泄瀉瘧痢症治辨

問孕婦如患傷寒泄瀉瘧痢等雜病者，症治如何， (111)

答可參照傷寒及內科雜病瘧痢症專編治之。

(12) 妊娠吐血症治辨

問妊娠有吐血病，其辨治若何， (112)

答妊婦吐血，或由用心太過，或由思慮傷脾，或怒氣傷肝，氣逆血溢，久而不已，必至傷胎，如心悶甚者不治。治法總宜分其火之虛實，實火宜瀉，虛火宜養陰壯水，不可照常人吐血治，如用行血消瘀，則胎自墮矣。

一 【治肝火妄動吐血多怒方】 柴胡六分黃芩八分人參八分甘草八分

焦梔一錢生地二錢水煎服。

二【治胃中實火吐血方】犀角汁三分生地黃三錢赤芍一錢丹皮一錢水煎。

三【治腎虛火吐血方】生熟地各三錢丹皮一錢山萸肉一錢五分雲茯苓三錢澤瀉一錢五分淮山藥二錢煎服，病久可改丸方服，名六味地黃丸，藥店有出售。

四【治孕婦吐衄方】馬勃研細末，米飲下一錢。

【又方】治孕婦吐衄，丹皮八分黃芩八分白芍八分柏葉八分蒲黃八分水煎服，立愈。

(13) 孕婦漏血症治辨

問孕婦有胎漏下血者，症治若何？

(二四)

胎漏由衝任二脉虛，不能攝血所致；故經水時下，漏血盡則人斃矣。又有經來不多，飲食精神如故，六脉和緩無病者，血盛有餘也。胎長大，兒能飲血，則不來，不須治法。又有一種，所下者似血非血，乃血被風傷；若作漏胎治則誤，若由勞力觸犯，或食毒物或房勞驚恐傷胎，胎傷則經血淋漓不止，氣喘面鰲，則爲敗血湊心，子母難保也。

一 【治妊娠下血腹痛方】 當歸一錢五分 川芎一錢 白芍一錢五分 熟地二錢 阿膠三錢 艾葉八分 水煎。

二 【治風傷營分血下似胎漏方】 防風一兩 黃芩醋炙黑二兩 爲末，酒糊丸，米飲下三錢。

三 【治孕婦胎漏方】 乾地黃四兩 炮姜炭二兩 爲末，空心米湯調下二錢。

四 【治孕婦經行如常方】 赤小豆末，酒服一匙，日二服，自愈。

五 【治孕婦溺血方】 阿膠炒黃爲末，食前粥飲下二錢，神效。

(14) 孕婦子鳴症辨

問孕婦七八月，子忽在腹中作啼聲者，屬何症治？

(三五)

答此名子鳴，或腹內作聲如鐘鳴，患此者，產後兒多不育。此症多由孕婦登高舉臂，臍帶上疙瘡脫出，兒口所致。宜令妊婦曲腰就地，如拾物狀，約十分鐘許，仍令臍帶疙瘡，入兒口即止。

【治子鳴如鐘聲方】 鼠窟中土爲末，入麝香少許，酒調服二錢，立愈。或黃連濃煎汁，令母時常呷之，亦效。

(15) 孕婦乳泣症辨

問妊娠無故乳忽滴出者，症治如何？

(二六)

此名乳泣，宜養血爲治，但有此症，兒生多不育。

(16) 孕婦子嗽症辨

問何謂子嗽？其辨治若何？ (二七)

孕婦久嗽不止，病名子嗽。如無寒熱鼻塞流涕等症，嗽久引動其氣，卽恐墮胎。宜用 黨參 白朮炒 茯苓 炙甘草 蘇葉 阿膠 桔梗 各等分，水煎，食後服。

【又方】川貝母法心 麴炒黃，去麴，研末，砂糖爲丸，如芡實子大，口中含化一丸，極效。

(17) 孕婦乳腫症辨

問孕婦兩乳或一乳忽腫痛，有寒熱者，症治若何？ (二八)

宜用皂角一條，燒枯存性，酒送下，立消。如患乳癰乳岩等症，再參外科

編治之。

(18) 孕婦腹痒症治辨

問孕婦有腹中作痒者，症治若何？

(二九)

答取鐵箭頭（用線袋盛，舊針亦可）安放臥蓆下，忽令婦知，亦勿令人知，自愈。

(19) 孕婦小便頻數症治辨

問孕婦小便頻來者，屬何症治？

(三〇)

答此氣虛有濕痰，宜用黨參一錢五分，白朮土炒一錢五分，炙甘草八分，製半夏八分，陳皮六分，煎服自愈。

(20) 孕婦泄久症治辨

問孕婦泄瀉，久不止者，症治若何？

(三一)

【圖】宜補中安胎爲主，用 黨參二錢 白朮土炒三錢 炙甘草八分 白芍酒炒 茯苓各一錢五分 訶子肉 乾姜各一錢 炒如口渴，加烏梅一個 同煎服。

【治久泄大渴】 茯苓 炙甘草各一錢 藿香五分 木香 乾姜各一錢五分 水煎，時時服之。

(21) 孕婦痢久症治辨

【圖】孕婦痢久不止，症治若何？ (三二)

【圖】宜行氣養血，清熱安胎，痢久多防損胎。

一 【治痢疾虛坐努力方】 當歸 黃芩 白芍 焦朮 枳殼 茯苓

苓 生地 陳皮 甘草各一錢 木香五分 烏梅一個 水煎，空心服。

二 【治久痢不止方】 黃連炒 阿膠炒 黨參 茯苓 白朮炒各一錢 乾

姜炒 炙甘草各五分 木香七分 烏梅三個 生姜一片 大棗一枚 水煎，食前服。

【又方】鷄蛋一個，破孔如指頭大，以銀簪攪勻，加入黃丹五分，用指封口，在飯上蒸熟食之，即愈，神效異常。

(22) 孕婦口渴症辨

問孕婦有但口渴者，屬何症治？

(三三)

鑿此血虛三焦火熾也，用 歸身 白芍 川芎 生地 熟地 川柏 各一錢 水煎服。

(23) 孕婦忽然暈眩倒地症辨

問孕婦忽然暈眩倒地者，屬何症治？

(三四)

鑿此乃血養兒，母不足，承胎不住，所以眼目昏花，一時倒地，不須服藥，只以飲食補之可也。

(24) 孕婦霍亂症治辨

問孕婦心腹絞痛，上吐下泄者，屬何症治？ (三五)

答此名霍亂，宜用 紫蘇 條芩 白朮各一錢五分 霍香葉 陳皮 甘草各一錢 砂仁炒五分 生姜一片 大棗一枚 煎服。

(25) 孕婦中暑症治辨

問孕婦中暑症辨治若何？ (三六)

答凡盛暑時，孕婦中暑熱毒者，其症發熱而渴，自汗，精神昏憤，四體倦怠，少氣，用 黨參 白朮炒炙甘草 炙黃耆 黃芩 黃連 知母 麥冬各一錢 五味子十五粒煎服。

(26) 孕婦中濕症辨

問孕婦有中濕症，宜如何辨治？ (三七)

答凡孕婦，或感霧露之氣，或冒雨，或久居潮濕之地，或汗出時，即用冷水

浴之，皆令中濕；其症身發熱，骨節煩疼，體重，頭痛，鼻塞，宜用 條黃芩 白朮炒各二錢，蘇葉一錢五分，生姜二片煎服。

(27) 孕婦中風症辨

○孕婦有中風症，辨治若何？ (三八)

○孕婦中風，其症或手足拘攣強直，或卒倒昏悶，口眼喎斜，手足痠癱，口噤不語，不可用尋常中風法治之，只宜補虛安胎，兼用搜風。 黨參 川芎 白芍 茯苓 生地 白朮炒歸身 炙甘草 黃耆 防風 羌活 秦艽各二錢，生姜一片，大棗一枚，水煎多服，以平爲度，如牙關緊閉，痰氣塞滿，不知人事，先用 黃蠟 枯礬 麻黃各四分，爲末，共鎔化，擦上牙關即開，再以上方服之。

(28) 孕婦癱瘓症辨

問孕婦癱瘓症，治法如何？

(三九)

答孕婦患左癱右瘓，左足不能動，乃痰凝氣血所致，宜照中風編求治。

(29) 孕婦遍身搔痒症治辨

問孕婦有遍身搔痒者，症治若何？

(四〇)

答此風症也，不可服藥，但用樟腦調酒擦即愈。

第三 臨產病症總辨

問婦人臨產時，其調護禁忌及各病症辨治若何？

(四一)

答妊婦已足月，將欲臨產，此如瓜熟蒂落，本極易事，但調護不當，及觸犯禁忌，乃犯難產各症，故首先知其常識，而後辨其症治，今依次述之如下：

【一】 臨產常識辨

問孕婦臨產時，其調護辨治之常識若何？請首先詳述之。

(四二)

○孕婦當足月時，切宜安神定慮，又當時常緩步行動，不可多眠飽食，及過飲酒醴雜藥，宜請富於經驗之醫生，或確有閱歷之穩婆，務先備置藥品，及應用之一切器物，產時房中不可多人喧鬧倉皇，但用老婦二人扶產婦緩緩行走，或凭物站立，如見漿水，腰腹痛甚，是其胎已離經，宜產婦仰臥，令兒轉身，頭向產門，自易外出；如產婦腹中覺飢，宜與吃溫粥少許，勿令飢渴，恐乏其力，不可強服催生，及早坐蓐，犯禁不惟產母受傷，又恐產生不順矣。

【二】產婦脉症吉凶順逆辨

○臨產之婦，其脉症如何，而後可辨其吉凶順逆？

(四三)

○凡臨產，其脉轉大，如切繩轉索，是名離經；如腰腹痛甚，頃時即生。臨產之時，脉來一息六至，（一息謂一呼一吸間也。）亦名離經，離經者，欲產

之脈也。又孕婦足月，脈沉細而滑甚者，將產之脈也；若浮大者，必難產。又訣云：『欲產之婦，脈離經，離經之脈分明認，其來大小不調勻，或如雀啄，屋漏應，腰痛腹痛，眼生花，產在須臾，却非病，墮胎倒仆，或舉重，致胎死在腹中，居已損，未出血不止，沖心悶亂，母魂孤，（謂敗血上沖，則產婦心中必悶亂也。）有時子死，母生存，或者母亡，存子命，身體多熱寒，又頻，舌下之脈黑復青，唇舌上冷，子須死，腹中更遣母歸冥，面赤青，仔細看，母活子死，救應難，唇口俱青沫又出，母子俱死，認分明，面青舌赤沫出頻，母死子活，定知真，不信若能看應驗，乃知賢哲不虛陳。』以上辨產婦胎死，母子吉凶，至靈至確，宜細心辨之。

【三】 弄胎試胎與眞產症辨

閩孕婦將產，有弄胎試胎症，宜如何辨之？

（四四）

孕婦足月，腹痛或作或止，或一二日，或三四日，胎水已來，而腹痛頻發，頻愈，此名弄胎，非當產也。又有一月前，忽然腹痛，如即欲產，而又不產，名曰試胎，亦非當產也。凡腹痛胎水來與不來，俱不妨事，但要寬心候時，不可心急慌亂，即遲延至半月一月者，亦無妨碍，若果真產，必痛極不已，腹重而脹，穀道挺併，漿水淋下，其兒遂生，蓋產自有時，如果熟香飄，瓜熟蒂落也，但切忌洗頭洗足，如試胎弄胎，胎水已來，而欲服藥，可用胎前症類保產無憂散煎服二三帖，可令易產，又漿水先破，惡血來多，胎乾不得下者，宜先用當歸五錢，川芎三錢，白芍三錢，熟地五錢，煎服，再以葱白一大握煎湯，放稍冷，令穩婆洗其產戶，而產婦即坐於上，令其氣上下通達，更用香油滑石末塗產戶，再服神妙乳末丹方用辰砂另研極細末為衣，乳香為末，豬心血為丸，桐子大，曬乾，每服一丸，酒化下，須端午日修合。

【四】 臨產禁忌辨

問臨產時一切禁忌若何？

(四五)

臨產婦雖是穢惡，但腹痛之際，及未產已產，並不得令死喪孝服，污穢不潔之人，進房看視，犯之則主難產；若已產者，其子必傷。

又欲產時，房中切忌多人瞻視，惟宜擇二三聰明老成可靠之人，在旁照護，待產訖，方可告人，若使衆人先知，則恐難產矣。

又產婦切忌忙迫心慌，而旁人亦須鎮定，待至腹痛，腰痛，眼中出火生花，果眞兒欲出時，必穀道脹併，腰腹痛極不已，乃可努力而下也。

又孕婦臨月，忌梳頭刷齒洗濯等事，犯則恐有橫生逆產之虞。

又產婦才見腹痛，切忌僱粗妄之穩婆，因彼等極無學識，稍稍候時不至，便用手術彈胞，令漿水先下，胎必乾涸，難下。

又臨產，切忌坐蓐太早，致風入產戶，必令傷損腫脹，門戶狹小，乾澁所以難產。

產婦將臨盆，初覺腹痛，切忌妄亂用力，因兒身方轉，被用力一逼，以致橫逆，必須待兒已到產門，痛陣緊湊時，用力一逼，兒即產下；若早用力於前，恐無力於後矣，豈不殆哉。

產婦切忌，因痛不肯舒伸行動，只曲腰眠睡，致胎轉動，產門被遮，無路可下，勢必又轉又尋，至三四次，已無力，決主難產。

產婦臨盆時，宜勿令飢餓，否則恐困乏無力；如覺心中憤悶，可取白蜜一匙，溫酒調服，如覺飢渴，可進軟米粥。

產婦禁早服催生湯藥，尤忌服涼水冷物，恐血得冷則凝，反致難產。

【五】 臨產症治分辨

(1) 胞破水乾難產症治辨

臨產時，先胞漿破，而難產者，症治如何？

(四六)

因此因胎元轉動無力，致延遲不下，而漿水下盡，汚血閉塞門戶，令兒無路可通，故難產也。宜用人參一枝濃煎，或加川芎二錢當歸四錢并煎服，助其氣血即產。

【治難產方】 此方治一切難產最效。當歸一兩川芎七錢 敗龜板二兩 炙酥研末用夏布包婦人頭髮一團洗淨，瓦焙存性，共煎水服之立產。

【又方】 熟地一兩炙黃耆一兩當歸身四兩白茯神三兩西黨參四兩 淨龜板四兩川芎二兩白芍一兩枸杞子二兩此方大補氣血，於臨產危急之時，無論產婦質強弱，胞衣已破或未破，急連進四五帖，只服頭煎，不用二煎，以防藥力之薄，則痛可立減，而胎可順下。

(2) 橫生逆產症治辨

問何謂橫生逆產？其辨治若何？

(四七)

凡難產，兒或側生，或手足先露，而不順下者，總稱之曰橫生逆產。如手足先露，可急用爪搔之，兒得痛痒，驚轉卽縮，或以針刺兒手足，入一二分許，或以鹽擦兒足底手心，令兒得痛急縮，自當回順也。并以鹽摩產婦腹上，如眼閉心悶欲絕者，卽當頂上取髮如二指大，強以人牽之，眼卽開。如產時，子但趨穀道者，炒鹽熨母腹上，自正。如產婦悶絕，以米醋澀之，凡昏迷卽澀之，或用鉄器燒紅，入碗內，以醋沃之，薰其鼻下，令氣入內卽甦。

【治難產逆產方】 難產者，多由產婦倉皇，坐草太早，或胞漿雖破，兒身未轉，或雖轉未順，被母用力努責，以致足先來者，謂之逆產。手先來者，謂之橫生，或漏其肩耳與額者，名之側產。或被臍帶碍絆不得下者，謂之碍

產；倉卒之間，二命所繫，不可大驚小怪，更不許醫生穩婆混行動手，總宜鎮靜，無論橫逆側產碍產，宜將兒輕輕送入，再用各方無不轉危爲安，兒自順下，或用穩婆剪去手甲，以香油潤手，將兒足輕輕送入，又再推上，兒身必轉直，然後服補氣血之藥，渴則飲以蜜水，飢則食以薄粥，再扶掖產母起身，母得力，兒卽生矣。惟此須好手穩婆方能行之，否則仍以不動手爲妙。

(3) 交骨不開症治辨

○產婦交骨不開者，其症治若何？

(四八)

○初產之婦，每患交骨不開，以致難產，此由元氣虛弱，血氣不能運達而然；宜用加味芎歸湯治之。當歸 川芎各一兩 龜板一枚炙搗，髮一握燒灰 順流水煎服，如人行五六里卽生。

【又方】當歸五錢，川芎五錢，龜板五錢，炙搗，川紅花五錢，女血餘一撮，燒灰存性，水煎至八分服；如產婦身體虛弱者，紅花減半用，服後可令人牽產婦，緩行百步，其兒自下，凡臨盆三日不下者，亦效如神。

(4) 子死腹中症治辨

問產婦有因難產，子死腹中者，辨治若何？

(四九)

答子死腹中，多因驚動太早，或觸犯禁忌，或血水先下，致胎乾難下；驗之之法，必口中有穢氣，腹中重墜，舌色或青或黑，以手摸其腹，冷者胎兒已死，溫煖者未死，如唇口青，兩邊沫出者，母子俱死；如面青舌赤，口沫出者，子活母死。

【治方】醋調黃牛糞，敷肚腹上，用布摺好，卽下，如神。

【又方】伏龍肝（卽灶心土）爲末，撮以三指，酒調服之，卽下；再以

當歸二兩川芎一兩濃煎服以助之。

(5) 子死產門症治辨

問產婦臨盆有子死產門不下者，症治若何？

(五〇)

答生產已三四日，兒已到產門，交骨不開，兒不得下，子死而母未亡者，服開骨之藥不驗，急宜用 人參一兩當歸二兩酒洗川芎一兩益母草一兩赤石脂三錢荊芥穗炒黑三錢 水煎服，一劑而死胎下。

(6) 盤腸產症治辨

問何謂盤腸產，其辨治若何？

(五一)

答盤腸產者，每遇臨產時，而腸先出也，既產後，其腸不收，宜令醫生或穩婆，以水醋各一杯，和勻，勿令產婦知，默然喫其面上，即收。
【又方】生半夏末吹入鼻中，即收。

【又方】磨刀水煮溫煖，浸其腸，另煎磁石湯服，卽上。

【又方】盛其腸於漆器內，濃煎黃芪湯浸之。

【又方】牙皂末吹鼻取嚏卽上。（凡臨產腸出者，須於未產時，先煎人參濃汁飲之，可免此患。）

【又方】產後惡露去太，但腸不上收者，用別直參一兩去蘆，生黃耆一兩當歸一兩酒洗，白朮土炒，五錢，川芎酒炒三錢，升麻一分，水煎服，一劑而腸卽收。

(7) 產後肉線等物下垂症治辨

聞兒產後，陰中垂出肉線一條，或如帕，或有角，或兩歧，動觸則疼痛欲絕者，症治如何？ (五二)

【圖】產後陰中垂出肉線，長有至二三尺者，宜用別直參一兩，白朮土炒二兩，川芎三錢，酒洗熟地二兩，九蒸山藥炒二兩，山萸四錢，蒸芡實五錢，炒扁豆五錢，炒

巴戟三錢 鹽水浸杜仲五錢炒黑 白果子粒搗碎 水煎服，一劑收半，二劑全收。

【又方】治產後陰中有物下垂。或如帕，或有角，或兩歧；用 生黃耆一兩 別直參五錢 白朮五錢 土炒白芍五錢 土炒焦當歸三錢 酒洗升麻一錢 水煎服，一劑即收。

(8) 臨產舌出症辨

臨產婦有臨產，舌出不收者，症治若何？

(五三)

醫舌乃心之苗，此心氣不收也；宜用辰炒塗上，漸收，或用巨爆竹隔壁燃放，勿令產婦知之，驟然聞聲，其舌即縮，如舌出長至數寸者不治。

(9) 胞衣不下症辨

臨產婦兒已生，有胎衣不下者，症治若何？

(五四)

○母生子訖，如血入胞中，衣爲血脹，故不得下；不急治，則脹滿上冲，心胸疼痛，喘急，面如茄色，不治。

【治方】炮黑附子五錢，牡丹皮二兩，乾漆一兩，燒烟盡爲末，再用醞醋一升，大黃末一兩，醋熬大黃成膏，和前藥末搗丸，如梧子大，溫酒下五七丸。

【又方】花蕊石一斤，硫黃四兩，入瓦罐內，以紙泥封固，陰乾，用炭火煨通紅，去火毒研細，每服童便調下一錢。

【又方】五靈脂二兩，蒲黃一兩，同炒爲末，酒下三錢。

【又方】牛膝 當歸各五錢，川芎 蒲黃各三錢，肉桂一錢，朴硝二錢 水煎。

【又方】治兒已下地，胞衣二三日不下，心煩意躁，時欲昏暈，人疑胞帶未斷，豈知血少乾枯，粘滯不下耶！宜大補氣血，則活潤易下。 當歸二兩，酒洗，川芎五錢，益母草一兩，乳香一兩，不去油，荊芥穗炒黑三錢，麝香五厘，研另沖，沒藥

一兩不去油 水煎服立下。

【又方】產後胞衣五六日不下，百方不效，而又絕無昏暈煩躁，乃氣虛不能推送，宜用 別直參三錢生黃耆一兩柴胡三分炙草一分當歸五錢 白朮

五分土炒升麻三分陳皮二分萊菔子五分 水煎服。一劑即效。

【又方】治胞衣不下，荷葉一全張煎湯服，立刻即下；若煎時，荷葉扯成幾塊，則胞衣亦成幾塊下，極驗。

【又方】胞衣不下，惡血衝心，煩憤昏亂，用 五靈脂半生半炒研末，每服二錢溫酒下。

(10) 臨產血暈症治辨

問婦人臨產暈厥，症治若何？ (五五)

答婦人新產暈厥，此名鬱冒；產後血虛，多嘔不能食，大便堅，但頭汗出，必

厥而冒，如大汗出，厥當自解。如產後頭目黑暗昏眩，不能起坐，甚至昏悶不省人事，此名血暈，有用心使力過多而暈者，有下血多而暈者，有下血少而暈者，下血多而暈，但昏悶煩亂而已；治宜養血，下血少而暈，乃惡露不下，上搶於心，必心下滿急，神昏口噤，絕不知人，治宜行血消瘀，宜細辨之。

【治方】無論血瘀血虛，如見暈厥，先宜置炭火於產婦前，以醋沃之，使醋氣薰入鼻中，即甦。

【又方】澤蘭葉五錢，川芎五錢，荆芥一兩，炒黑甘草二錢，人參二錢，爲末，每服二錢，童便陳酒灌下。

【又方】藕汁 生地汁 童便 酒沖和溫服一二杯。

一 【治瘀血暈厥方】 產後惡露少，暈厥口噤或握拳者，皆屬瘀血，用

血竭 沒藥各等分 爲末，童便及酒調服二錢。

【又方】當歸 延胡索 血竭 沒藥 各等分爲末童便煎三錢灌服。

【又方】蘇木三兩 水五升，煮二升，分二服。

二【治敗血攻心血量發狂方】 當歸一兩川芎一兩 生地炒五錢 丹皮五錢 生蒲黃二錢 乾荷葉一片 水煎服，一劑狂定，不可多服，再用 當歸酒洗一兩二錢川芎三錢桃仁去皮尖一錢五分炒荆芥炭一錢丹皮一錢五分 服三四劑最妙。

三【治血虛暈脫方】 人參一兩生黃芪一兩當歸一兩黑荆芥穗三錢炮姜炭一錢 水煎服，一劑暈止，二劑心定，三劑血生，四劑血旺，不再暈矣。

【又方】子方下地，而暈厥不語，此氣血兩脫，本在不救，救之得法，亦有生者，急用銀針，刺其眉心，得血出則語矣；再用 人參一兩 煎湯灌之，或用

黃耆一兩 當歸一兩 煎灌亦生。

(11) 惡露不下症辨

產後惡露不下者，症治若何？

(五六)

產後必先問惡露（產後瘀血名惡露）多少有無，此爲最要，惡露屬胎餘之血及雜濁漿水也；凡氣血旺者，兒落地後，惡露隨下，弱者阻滯小腹爲病，上攻則爲血暈悶絕，畜瘀則爲兒枕心腹痛，久則爲癥瘕積聚，四肢腫滿血臃等症，然亦可產婦本惡露不多者，必苦暈厥腹痛等症，只須服生化湯二三帖，不必再服他藥。（生化湯即當歸三錢 川芎一錢 五分 光桃仁三錢 炮姜炭一錢 甘草一錢）

【治惡露不行少腹疼痛方】此名兒枕痛，宜用 大黃 牛膝 各一兩 當歸 丹皮 各八錢 赤芍 眞蒲黃 肉桂 各五錢 爲末，生地汁調，溫酒服

方寸七，血下行即愈。

【又方】眞蒲黃 五靈脂 山查肉 砂糖各等分 每服五錢 陳酒或水煎服。

(12) 惡露不絕症辨

問 婦人分娩後，惡露淋漓不斷者，症治若何？

(五七)

答 產後惡露不斷，多由損傷經血，元氣不足所致；若淋漓不多，而與腹痛者，爲氣血不調，宿瘀未盡也，當分辨治之。又有產婦，因胎前服固胎藥太多，故血滯不行，有至二三月，尙淋漓不絕者，亦宜順氣通血治之。

【治惡露淋漓不絕方】 治血瘀滯者，益母草八兩當歸一兩 赤芍六錢 廣木香五錢 爲末，煉蜜丸，如彈子大，每服一丸，童便和酒化服。

【又方】當歸三錢 川芎一錢五分 生地三錢 白芍二錢 炒黑白芷一錢五分 醋炒

蒲黃三錢 水煎服。

(13) 血崩不止症辨

問產後血崩不止者，症治若何？

(五八)

答此產後氣血腫脈，尙未平復，而或因驚憂恚怒，或由勞役損動，致血暴崩下，淋漓不止，此症少腹滿痛者為難治，如崩血太多，亦當防其暈脫。

一【治新產血崩方】當歸五錢 川芎三錢 炮姜炭一錢五分 炒黑荆芥三錢 地榆醋炒黑三錢 水煎頓服。

【又方】瑞連子一百粒燒灰存性 棕櫚炭 當歸各一兩 檳榔二枚 川芎 鯉魚鱗各七錢五分 燒灰 炮姜炭五錢 共為細末，酒調服二錢，非時血崩，無藥可治者，二服即止。

二【治血虛崩漏方】當歸五錢 川芎三錢 白芍炒三錢 熟地五錢 黨參三

錢（人參更妙）水煎服。如因房勞，加黃耆五錢，炙甘草二錢，炒阿膠三錢，艾葉一錢五分，因於心熱，加白朮炒三錢，茯苓三錢，黃連炒八分，因於固澁者，加製香附一錢五分，光桃仁二錢。

【又方】炒黑荆芥穗五錢，童便或陳酒煎服立止。

（15）玉門不閉症治辨

產後產門不收閉者，症治若何？（五九）

產門不閉，多由氣血虛不能收攝也；如腫脹掀熱作疼者，此陰戶受傷也。

一【治氣血虛產門不閉方】當歸三錢，川芎一錢五分，熟地五錢，白芍炒一錢五分，人參三錢，白朮炒三錢，茯苓三錢，炙甘草一錢，黃耆五錢，肉桂八分，水煎服。

【又方】黃耆五錢白朮土炒三錢陳皮一錢五分人參五錢柴胡三分升麻三分當歸三錢炙甘草二錢水煎服。

【又方】治產戶受傷不收，揪熱疼痛。當歸三錢白芍二錢柴胡八分茯苓三錢白朮炒三錢生甘草二錢焦山梔一錢五分丹皮一錢五分水煎服。

【又方】樗根白皮二兩荆芥穗 藿香 藥本各一兩以絹袋盛水煎，適寒溫，洗之。

二 【治陰戶痛不可忍方】 訶子 黃蠟 水煎，先薰後洗。

三 【治陰戶痛痒不常方】 嫩槐枝煎濃湯薰洗。

(17) 子宮不收症治辨

圓產婦子宮墜出不收者，症治如何？

(160)

按此由產時用力太過，致陰戶下脫或挺出，或腫痛小便淋漓，或如手帕，

或如肉線，或子宮損落一片，皆氣血虛脫所致，宜用人參五錢，黃耆五錢。

白朮土炒三錢，廣皮一錢五分，升麻三分，柴胡二分，當歸三錢，水煎服。

【又方】以香油浸之，再用牙皂末吹鼻中取嚏，嚏時即縮上，或參照盤腸產外治法。

(16) 產婦腸中痒症治辨

○產婦腸中作痒不可耐者，症治若何？ (六一)

○此乃因虛所致，譬之蚊蟲所嚙，血去則痒，產婦去血過多，得無痒乎？然或有風入產門，或食諸魚毒物，或恚怒憂鬱亦能致之，但總不離乎氣血虧損也。

【治方】以針線袋安產婦所臥褥下，勿令人知，或以食鹽熬熱，布包熨臍上。

【又方】當歸 川芎 牛膝 青皮 藁本 甘草 各等分爲末，每服二錢，酒調下。

(17) 產婦敗血流經症治辨

產婦敗血流經，症治若何？ (六二)

此由氣血而虛，或中風寒，或食冷物，或怒氣抑鬱，或坐臥一側，以致氣血不運，惡血停滯，流於經絡，漸覺遍身或一處腫疼，或作癢疹游風癰疽瘡 疔瘡等狀，或痠痛皮裏赤，或兩腿肉間青色，皆其症象也。宜用 當歸三錢 川芎一錢五分 赤芍一錢五分 川紅花一錢 肉桂八分 牛膝三錢 荆芥穗炭三錢 獨活一錢五分 水煎服。

● 第四 產後病症總辨

產後病症辨治及調護若何？ (六三)

產婦氣血兩虛，首宜調護得宜，可免致病危殆，如有疾病，當症辨治。

【一】產後藥禁辨

產後服藥，亦有禁忌否？

（六四）

產後用藥，總以調養氣血爲要，雖有病宜去病，不可拘泥，然大致所禁忌諸藥，亦不可不知，如非必要時，萬勿浪用也。古書有訣云：「產科最禁是生梨，梔子芩連大不宜，白朮黃耆須緩用，（此防補阻瘀血也。）人參白朮亦如之，地黃泥隔麻黃烈，冷物傷脾滑物遺，更有石膏名白虎，倘然誤服必傾危。」

【二】產後調護辨

產後宜如何調護？

（六五）

婦人非止臨產堪憂，即產後尤宜將息，勿以產畢無妨，乃恣意任情，無

所禁忌，犯時微若秋毫，成病重如丘山，可不畏哉！

產婦寸分娩，卽宜預燒鉄秤錘，以醋淬之，放產婦鼻下，使醋氣透入，昏迷者卽醒，且解邪穢傳入，宜監膝坐起，倦卽高枕仰臥平臥，以防血上升。

產婦不可飢渴，亦不宜飲食過多，及生冷油膩，恐脾胃虛弱，不能運化，惟進溫和米粥可也。

產後惡冲上冲，量飲童便一杯，或和酒對冲，但不可醉，醉則四肢倦力，恐引血入四肢，致日後有酸惰之患。

產後脾胃虛弱，惡血未盡，七日內不可服湯，恐滲於皮膚爲腫，流於腸胃爲泄，有致終身脾泄者；直俟脇下臍下塊散，飲食如常，惟用鯽魚白鯊調理。

產後不可失肉類，肉汁發陰經之火，易成內傷，豈可以鷄羊作糜食乎？若

兒初生，母腹頓寬，便啖鷄子，且多食鹽，不思鷄子難化，鹽能發熱，只宜白粥白養淡食之，半月後，方與少肉鷄子豁開淡養，大能養胃也。

產後每合家聚觀小兒，失顧產母，不知產後血氣暴虛，未得安靜，每有血隨氣上，迷悶暈絕者，宜常令一人看護產婦，且頻頻喚醒，勿令其熟睡，再加醋薰，不但可免暈厥，並能解穢祛邪。

產後不可過服苦草湯，只宜煎服益母草湯，因多服苦草，必有腹痛之患，宜用炮姜肉桂等溫解。

產後房中宜密鋪牀帳，勿令有風，若在冬月，宜用厚褥，遍遮四圍以禦風，庶無中寒發瘧之患。

產後氣血大虛，諸事必須保重，切不可恃健勞碌，致內傷元氣，外損筋骨，變成羸勞，骨節煩疼等症。

產後七日內，不可梳洗，七日外，方可溫水洗面，若沐浴，必須俟過滿月，如梳頭過早，恐有頭風之患也。

產後宜切戒房事，須百日後，夫婦方可交合，不爾，至死虛羸，百病滋長，凡婦人患風氣臍下虛冷，腰痛帶下等症，莫不大半由房事太早得之，豈可不知慎乎。

【三】 產後各症總辨

(一) 產後乳汁不通症治辨

問產後乳汁不通者，症治若何？ (六六)

答初產之婦，乳方通長，產多之婦，氣血虛弱，皆令乳汁短少，亦有因乳滯不行者，必見身體壯熱，胸膈脹悶，頭目暈眩，宜辨治之。

【治方】歸身 黨參 川芎 赤芍 生地 桔梗 甘草 麥冬 白

芷各一錢 水煎服。如乳滯不行，宜加木通二錢 滑石末三錢 並煎服，更煮猪蹄湯食之，則乳汁自通。

【猪蹄湯】 猪蹄一對，洗淨煮爛，入葱調和，並汁食之。

(2) 產後乍見鬼神症治辨

圖產後有乍見鬼神者，症治若何？ (六七)

此症有二：一爲心血不足，一爲敗血上攻也。如係敗血上攻，必惡露所行不多，胸腹脹悶，煩躁狂亂，妄語，宜分別治之。

【治方】治心血不足：茯神 柏子仁 遠志 黨參 當歸 生地 炙甘草各一錢 肉桂五分 獾猪心一個（開割者爲獾猪）水酒各一盞 煎至一半，入童便一盅，調辰砂一錢 食後服。

【又方】治敗血上攻：歸尾 川芎 延胡索 蒲黃 丹皮各一錢 肉

桂七分 水煎，調五靈脂末一錢，食後服。

(3) 產後身熱症治辨

問婦人產後身熱者，症治若何？

(六八)

○產後不惡寒，但身熱，或手足心亢熱，心胸煩滿，呼吸氣短，頭痛悶亂，將晚轉甚，與大病虛煩相似，切勿作外感治，宜用 黨參 歸身 熟地 肉桂 酒炒 白芍各一錢五分，麥冬一錢，先以粳米一合、淡竹葉十片煎湯代水，再入藥，加紅棗二枚煎服，熱甚加炒乾姜一錢。

(4) 產後寒熱似瘧症治辨

問產後乍寒乍熱，有似瘧疾狀，症治如何？

(六九)

○此症寒不作，凜熱不作，蒸發作無時，似瘧非瘧，非敗血未盡，即氣血不和也。

一 【治血滯寒熱方】初出卷荷葉焙乾 紅花 歸尾 蒲黃 丹皮 生地各二錢 生姜三片 童便一碗 水煎熱服。

二 【治陰陽不和寒熱似瘧方】 歸身 白芍各酒洗 炮黑姜 川芎

黨參各一錢 炙甘草五分 生姜三片 紅棗三枚 水煎服 寒多熱少者加肉桂一錢 熱多寒少者加柴胡一錢 乾姜減半 煩渴者加知母 麥冬各一錢。

食少者加陳皮 白朮各一錢 虛倦甚者加炙甘草一錢。

(5) 產後脇痛症治辨

問產後有脅肋作痛者，症治若何？ (七〇)

答此症有虛實，手不可按者，瘀血也；宜用 歸尾 川芎 青皮 枳殼 製香附童便浸紅花 桃仁各二錢 水煎入童便沖服。如喜按者，肝藏

血虛也；用 歸身 白芍 熟地俱酒洗 黨參 甘草 陳皮 肉桂各一

錢生姜二片紅棗二枚煎服。

(6) 產後頭痛症辨

問產後有頭但作痛，症治若何，

(七一)

答此去血過多也，宜用川芎、當歸各五錢俱不洗炒，連鬚葱頭五個生姜

五片焙乾水煎，食後服。又有瘀血留停子宮，其脈貫頂，亦能作痛，宜用黑

豆一合炒熟地、當歸、肉桂去皮、乾姜炒、炙草、白芍酒炒、蒲黃各二錢

水煎。

(7) 產後腰痛症治辨

問產後有腰痛症，其辨治若何？

(七二)

答其症隱隱作痛者，腎虛也，宜用熟地、歸身、杜仲鹽水炒去絲、獨活

肉桂、續斷各一錢生姜三片紅棗二枚水煎服。

【又方】治腰脹疼如刺，手不可近，此敗血流入腎經帶脈，用 歸身 川芎 小茴炷 故紙炒碎 元胡索 牛膝 肉桂 丹皮各一錢 水煎，另用 沒藥末 乳香末 木香末 各五分 調勻，空心服。

(8) 產後遍身疼痛症辨

產後有遍身疼痛者，症治若何？ (七三)

產時骨節開張，血脉流散，經絡肉分之間，血多凝滯，骨節不利，筋脈失和，故腰背不可轉側，手足不可屈伸，而作痛也，宜用 當歸 肉桂 白朮炒牛膝 黃耆 獨活 生姜各一錢 炙甘草 薤白各五分 水煎熱服。

(9) 產後傷風寒症治辨

產後有傷風寒症，辨治若何？ (七四)

產後傷寒，惡寒發熱，宜用 台黨參 川芎 歸身 白芍酒炒 炙甘

草各一錢五分。生姜五片。葱白三個。水煎熱服，取汗愈。無汗曰傷寒，甚者可加麻黃八分。蘇葉三錢。有汗曰傷風，本方加桂枝八分。防風八分。寒熱往來，本方加柴胡一錢。頭痛者，本方加藁本。細辛各五分。遍身疼，本方加羌活蒼朮各八分。但熱不惡寒，加柴胡、朮、葛根各一錢。發熱而渴，加知母、麥冬各一錢。淡竹葉十片。

(10) 產後汗出不止症治辨

產後有汗出不止者，症治如何？

(七五)

此宜急止其汗，否則風寒即乘虛而入，變生他病，宜用歸身酒洗黃耆、炙麻黃根、黨參、炙甘草各一錢五分。先以浮小麥一合煎水去渣，入藥再煎，去渣，調牡蠣粉二錢服之。

(11) 產後中風及瘧症辨

問產後有中風及瘧症，辨治若何？

(七六)

答產後中風，口目抽搐蠕動，手足彎曲，身如角弓反張，此名瘧症，宜用

羌活 防風 當歸酒洗川芎 白芍酒炒肉桂 黃耆 天麻 秦艽各

二錢 生姜二片 大棗二枚 水煎服。

【又方】荆芥穗炒黑研末，每服三錢，童便調服，口噤則打開一牙灌入，或用

荆芥五錢，童便煎好，俟微溫灌入鼻中，其效如神。

【又方】治產後中風，牙關緊閉，唇口並黑，半身不遂，用二三歲健壯無病之男童便服之，其效如神。

(12) 產後咳嗽症治辨

問產後有咳嗽不止者，症治如何？

(七七)

答產後無寒熱頭痛鼻塞表症，但見咳嗽，此乃惡露上攻，流入肺經，必見

胸腹脹悶，宜用 知母 貝母 雲苓 黨參 光杏仁 光桃仁 各一錢 水煎，食後溫服。

如因外感者，可用 旋覆花包煎 赤芍 前胡 製半夏 芥穗 甘草 光杏仁 茯苓各一錢 麻黃去根節 五味子各五分 生姜一片 大棗一枚 水煎食後溫服，有汗者，去麻黃加桂枝。

如咳久不止，咳嗽涕唾稠粘，宜用 甘草 桔梗 款冬 貝母 前胡 枳殼 雲苓 五味子 麥冬各一錢 淡竹葉十片 水煎服，如因吃鹽太早而咳者難治。

(13) 產後鼻血不止症治辨

問產後有血衄不止者，症治如何？ (七八)

答宜用 荆芥穗炒黑 研末 童便調服三錢 即愈。

(14) 產後大小便不通症治辨

問產後有大小便閉者，症治若何？

(七九)

答：產後汗多，則大便閉，切不可攻，宜用大麻仁、紫蘇子仁各二合，洗淨研細，再加水研，濾取汁一碗，分二次，煮粥噉之。

【又方】五六日不通，宜用大麥芽炒黃爲末，每服三錢，沸湯調下，與粥間食，自效。

【治產後小便閉方】陳皮爲末，空心溫酒下二錢，自效。如小腸脹疼，煩悶不安，用豬苓、白朮炒澤瀉、茯苓、肉桂各一錢，桃仁去皮尖、川紅花各二錢，水煎空心服。

(15) 產後呃逆症治辨

問產後呃逆頻作者，症治若何？

(八〇)

【圖】宜用 白苳蔻 丁香各五錢研細 桃仁煎湯沖服一錢，少頃再服自愈。

(16) 產後四肢身面浮腫症治辨

【圖】產後四肢身面浮腫者，症治若何？ (八二)

【圖】此瘀血化水，停滯經絡，乍寒乍熱，宜用 當歸酒洗 丹皮 肉桂 赤

苓 甘草 陳皮各一錢細辛 乾姜炒各五分 生姜三片水煎服。

(17) 產後泄瀉症治辨

【圖】產後有泄瀉者，症治若何？ (八二)

【圖】產後泄瀉，多屬虛寒，宜用 白朮炒人參 乾姜各一錢 炙甘草五分 肉

桂五分 苳蔻麵包煨一錢五分 共爲末，蜜丸米湯下，或煎服亦可，亦治霍亂吐瀉。

(18) 產後痢疾症治辨

問產後有痢下赤白者，症治若何？ (八三)

答產後感寒積食成痢，裏急腹痛，宜用枳實、麩炒厚朴、姜炒各二錢、大黃、酒炒二錢、五分炙甘草一錢、枳榔一錢、五分生薑三片，水煎服，以快利爲度。

(19) 產後尿血症治辨

問產後小便尿血者，症治若何？ (八四)

答此濕熱阻血也，並治血淋澀痛，小蘇根、生地、赤芍、木通、甘草稍、蒲黃、竹葉各一錢、滑石二錢、燈心一握，水煎服，如小便澀痛，加歸尾、紅花各一錢。

(20) 產後乳汁不止症治辨

問產後乳湧如泉，神昏痰塞者，症治若何？ (八五)

答此爲勞神過度所致，宜用人參煎濃汁灌之，卽甦，再以人參、白

尤炒茯苓各二錢甘草炙一錢當歸一錢五分川芎八分白芍一錢熟地三錢黃耆三錢肉桂五分水煎服。

(21) 產後小便多及遺尿症治辨

問產後小便太多，及睡中遺尿者，症治如何？ (八六)

答產後氣血虛脫，故小便多而遺也，宜用炙黃耆 炙甘草 益智仁 去壳炒各一錢五分升麻一錢 水煎去渣，再用 真桑螵蛸 煨龍骨 煨牡蠣各等分 研細末，每用三錢 入湯調服。

(22) 產後血崩不止症治辨

問產後血崩不止，症治如何？ (八七)

答宜用人參三錢當歸四錢川芎一錢五分熟地三錢白芍炒二錢水煎服；如因於房勞者，加炙黃耆三錢炙甘草一錢炒阿膠三錢艾葉一錢同煎服；如因

虛火者加 白朮炒茯苓各二錢炙甘草一錢黃連炒五分如因於固澀者加
製香附一錢五分光桃仁三錢。



中華民國二十四年九月出版

民衆醫藥指導書第六十種

——胎產科病問答——

全書一冊 實價五角

——全部分四種——

實價三元 冊六裝洋(集一第)

實價三元 冊六裝洋(集二第)

實價三元 冊六裝洋(集三第)

實價三元五角 冊六裝洋(集四第)

(總發行所)



編輯者 蔡陸仙

出版者 上海華東書局

印刷者 上海華東書局

發行者 上海華東書局

經售者 上海南星書店

上海 陶爾斐路 華東書局

中華書局

一九五二年十月十日



• 082
6